

## Sarkina Bt Mat Saad @ Shaari

---

**From:** Unit Komunikasi Korporat  
**Sent:** Tuesday, September 5, 2017 4:39 PM  
**To:** UUM - All Staff; UUM - All Students  
**Cc:** Staf - Pesara UUM  
**Subject:** Gadis Cekal Buru Ilmu - Kanser Pembakar Semangat



**Unit Komunikasi Korporat**  
CORPORATE COMMUNICATION UNIT  
**Universiti Utara Malaysia**



5 SEPTEMBER 2017 / 14 ZULHIJAH 1438H  
=====

"UUM : UNIVERSITI PENGURUSAN TERKEMUKA"  
(THE EMINENT MANAGEMENT UNIVERSITY)

Oleh: Siti Fatimah Abdullah  
Gambar oleh: Muhammad Shamsul Shafie

**GADIS CEKAL BURU ILMU - KANSER PEMBAKAR SEMANGAT**



**UUM ONLINE:** Siapa sangka di sebalik pergerakan yang terbatas setelah lumpuh akibat kanser yang dideritai, Nur Syiham Naz'izan, 20, menguatkan semangat dan membulatkan tekad melangkah ke menara gading demi memburu ilmu untuk berjaya seperti orang lain.

Ditawarkan program Sarjana Muda Pentadbiran Awam, Syiham antara 4,957 pelajar baharu UUM bagi Sesi Akademik 2017/2018 yang mendaftar, pagi tadi.

“Apabila ditawarkan ke UUM, saya rasa lega dan gembira bukan senang nak masuk UUM yang turut menyediakan kemudahan OKU.

“Saya berharap dapat menggunakan perkhidmatan van yang ditawarkan oleh UUM untuk berulang-alik dari Inasis Petronas ke kelas,” ujar lulusan Sijil Tinggi Persekolahan Malaysia (STPM) dari Sekolah Menengah Kebangsaan Bandar Sungai Petani.

Meskipun berdepan masalah pergerakan dan tidak seperti orang lain Syiham jadikan ujian ini sebagai pembakar semangat untuk membuktikan sesiapa pun boleh berjaya sekiranya rajin berusaha selain banyak bersyukur dengan kurniaan-Nya.

Sementara itu bapa, Naz'izan Saad menyifatkan anaknya seorang yang tidak banyak bercakap dan bergerak perlahan akibat penyakit yang dideritainya sejak darjah 5.

“Syiham mengalami buku lali kejang setelah pernah lumpuh selama setahun pada 2008 akibat kanser tulang belakang ketika menuntut di Sekolah Rendah Bandar Tasik Puteri Rawang, Selangor.

“Dia tak pernah berlari sejak pulih dari lumpuh dan mula mengalami masalah pergerakan kalau jalan pun tak boleh lama kerana menyebabkannya tidak selesa dan sehingga kini masih menjalani rawatan susulan di Hospital Kuala Lumpur setahun sekali,” tambahnya.

Naz'izan yang juga bekas pelajar UUM mendapati universiti keenam ini telah mengalami banyak perubahan yang dilengkapi dengan pelbagai kemudahan dan berharap UUM dapat membantu anaknya sepanjang pengajian di sini.

“Saya pernah belajar di sini dan UUM memang sangat berbeza banyak kemudahan yang ada di sini jauh lebih baik, bila saya bawa Syiham tengok kelas, dia bergerak perlahan terutamanya tangga dan perlu urus masa dengan baik di sini,” ujarnya.

**DARIPADA:**  
**UNIT KOMUNIKASI KORPORAT**  
**UNIVERSITI UTARA MALAYSIA**  
☎ 04-928 3048/3049/3052/3061  
☎ 04-928 3053  
✉ [ukkuum@uum.edu.my](mailto:ukkuum@uum.edu.my)  
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.